

БОСНА И ХЕРЦЕГОВИНА



БОСНА И ХЕРЦЕГОВИНА

Тужилаштво - Тужитељство Босне и Херцеговине  
Тужилаштво Босне и Херцеговине

Broj: T20 0 KT 0025914 24

Sarajevo, 23.09.2024. године

На основу члана 216. stav 3. Закона о кривичном поступку Босне и Херцеговине, доносим:

N A R E D B U  
o nesprovođenju istrage

Prema:

1. [REDACTED] zaposlena u [REDACTED],  
[REDACTED], predsjednik [REDACTED]

neće se sprovoditi istraga jer iz prijave i pratećih spisa očigledno da prijavljeno djelo nije krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH.

OBRAZLOŽENjE

Dana 23.08.2024. godine zaprimljena je Krivična prijava anonimnog podnosioca protiv [REDACTED] i [REDACTED] zbog sumnje da su počinili krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH, na način da su: nakon što je Rijaset Islamske zajednice BiH dana 16.08.2024. godine saopštilo instrukciju reisu-l-uleme Huseina Kavazovića za učenje „kišne dove“ zbog dugotrajne suše, na istu je putem društvenih mreža Facebook i „X“ reagovala [REDACTED] objavom „Treba što prije patentirati ovu genijalnu ideju za rješenje klimatskih problema. Pa jel! Kud se toga nismo sjetili prije ovih vrućina“, a koja objava je izazvala pozitivne i negativne reakcije na društvenim mrežama, na koje se saopštenjem oglasila [REDACTED] koja je osudila govor mržnje upućen [REDACTED] naročito govor mržnje upućen od strane političara u BiH, u kojem se saopštenju kao ime reisu-l-uleme navodi ime Mustafe ef. Cerića, ranijeg reisu-l-uleme, a ne trenutnog reisu-l-uleme Huseina Kavazovića, a što je kasnije ispravljeno naknadnim saopštenjem i ispravkom imena. Podnositac prijave smatra da objava [REDACTED] predstavlja ismijavanje i vrijedjanje vjerskog

poglavara Bošnjaka, te da je izazvala vjersku mržnju i netrpeljivost kod većine ljudi. Dalje, prijavitelj smatra da je u saopštenju ██████████ „politički subjekt je svjesno, sa ciljem daljeg omalovažavanja u saopćenju naveo pogrešno ime reisu-l-uleme“, te je sve ovo, kako smatra prijavitelj, proizvelo izazivanje vjerske mržnje, razdora i netrpeljivosti, a posebno jer se radi o javnim osobama koje u javnom prostoru moraju imati realan odnos prema drugima i drugačijim vjerskim ubjedenjima. U Krivičnoj prijavi je navedeno da se kao prilozi iste dostavljaju objava ██████████ i objava saopštenja ██████████ od 16.08.2024. godine, međutim prijava je u Tužilaštву zaprimljena bez navedenih priloga.

U kontekstu provjere prijave, postupajući tužilac je pribavio i izvršio uvid u sporne objave. Nakon uvida u prijavu i sporne objave, postupajući tužilac je ustanovio da je očigledno da prijavljeno djelo nije krivično Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH.

Naime, članom 145a. KZ BiH propisano je da krivično djelo izazivanje nacionalne, rasne i vjerske mržnje, razdora i netrpeljivosti čini onaj ko javno izaziva ili rasprije nacionalnu, rasnu ili vjersku mržnju, razdor ili netrpeljivost među konstitutivnim narodima i ostalima, kao i drugima koji žive ili borave u Bosni i Hercegovini. Za postojanje samog krivičnog djela potrebno je i da sama radnja učinjenja pogodna da izazove ili rasprije nacionalnu, rasnu ili vjersku mržnju i da je umišljaj učinjoca usmjeren na izazivanje ili rasprijevanje mržnje. Dakle, za postojanje djela zakon zahtijeva postojanje radnje učinjenja koja se može shvatiti kao pozivanje na mržnju (izazivanje) ili rasprijevanje mržnje, razdora ili netrpeljivosti. Takođe, krivično djelo se može počiniti samo sa umišljajem, direktnim ili eventualnim, odnosno namjerom „govornika“ da svojim riječima izazove ili rasprije nacionalnu, rasnu ili vjersku mržnju, razdor ili netrpeljivost među konstitutivnim narodima, odnosno namjerom da podstakne određene akcije iznošenjem svojih stavova, mišljenja ili vjerovanja, što u ovom predmetu nije postojalo. Pored odredaba kojim se definiše postojanje krivičnog djela, potrebno je cijeniti i odredbe čl. II Ustava BiH kojima se nalaže državi i entitetima da obezbijede najviši nivo međunarodno priznatih ljudskih prava i osnovnih sloboda odnosno prava i sloboda predviđenih u Evropskoj konvenciji za zaštitu ljudskih prava i osnovnih sloboda i njenim protokolima koji se direktno primjenjuju u Bosni i Hercegovini. Ovi akti, koji između ostalog garantuju slobodu misli, savjesti i vjere kao i slobodu izražavanja, imaju prioritet nad svim ostalim zakonima.

Dakle, u kontekstu počinjenja krivičnog djela potrebno je izvršiti ocjenu da li je predmetna objava „Treba što prije patentirati ovu genijalnu ideju za rješenje klimatskih problema. Pa jel! Kud se toga nismo sjetili prije ovih vrućina“ ili saopštenje „████████“ u kojem je pogriješeno ime reisu-l-uleme BiH pogodna da proizvede posljedicu, odnosno da prouzrokuje ili intezivira nacionalnu, rasnu ili vjersku mržnju. U konkretnom slučaju, prema mišljenju postupajućeg tužioca, nesporno je da je prijavljena ████████ svojom objavom pokazala nekorektnost prema vjerskim osjećajima pripadnika islamske vjeroispovjesti, međutim imajući u vidu pravo na slobodu misli i izražavanja pojedinca u demokratskom društvu, takva izjava nije pogodna da izazove ili rasprije nacionalnu, rasnu ili vjersku mržnju. Takođe, očita pogreška imena trenutnog reisu-l-uleme u saopštenju „████████“, a koja je ubrzo ispravljena, nije mogla proizvesti potrebnu posljedicu.

Imajući u vidu navedeno postupajući tužilac donosi odluku da se istraga neće sprovoditi.

Tužilaštvo će, u smislu čl. 216. stav 4. ZKP BiH, u roku od tri dana od dana donošenja odluke, imajući u vidu da je podnositelj prijave anoniman, obavještenje o pravu na pritužbu dostaviti putem oglasne ploče.

**TUŽILAC  
TUŽILAŠTVA BiH**